



Broj: 01-02-660/24
Sarajevo, 17.12.2024. godine

DOM NARODA PARLAMENTA FEDERACIJE BIH

n/r gospodina Tomislava Martinovića, predsjedavajućeg
n/r gospodina Slađana Ilića, potpredsjedavajućeg
n/r gospodina Nezima Alagića, potpredsjedavajućeg

**PREDMET: PRIJEDLOG ZAKONA O IZMJENAMA I DOPUNAMA ZAKONA O
IZVRŠNOM POSTUPKU**

U skladu sa članom 198. Poslovnika Predstavničkog doma Parlamenta FBiH, obavještavam Vas da je Predstavnički dom Parlamenta FBiH na 15. redovnoj sjednici, održanoj 12.12.2024. godine, usvojio Prijedlog Zakona o izmjenama i dopunama Zakona o izvršnom postupku sa jednim amandmanom, kojeg je Vlada Federacije BiH prihvatila, pa je postao sastavni dio Prijedloga ovog Zakona i jednim amandmanom kojeg je Predstavnički dom izglasao.

Amandman prihvaćen od strane Vlade Federacije:

U Prijedlogu Zakona o izmjenama i dopunama Zakona o izvršnom postupku u članu 7. stav (3) mijenja se i glasi:

"(3) U slučaju postupka izvršenja na suvlasničkom dijelu, a prema zahtjevu tražioca izvršenja, izvršenika ili drugog suvlasnika, sud će u rješenju o izvršenju odrediti da se na prodaju ponudi kako cjelokupna nepokretnost tako i suvlasnički dio koji je predmet izvršenja. Prodaja cjelokupne nepokretnosti izvršenja vršit će se samo ako na to izričito pristane suvlasnik nepokretnosti koji nije izvršenik. Prije donošenja rješenja o izvršenju, sud mora pribaviti izričit pristanak suvlasnika nepokretnosti koji nije izvršenik i u rješenju o izvršenju naznačiti da će svojim zaključkom iz člana 90. stav (3) ovog zakona odlučiti da li je predmet prodaje cjelokupna nepokretnost ili samo njen suvlasnički dio. U istom rješenju sud će odrediti da se zabilježba izvršenja iz člana 72. ovog zakona odnosi na cjelokupnu nepokretnost ili na suvlasnički dio. U slučaju da nema izričitog pristanka suvlasnika nepokretnosti koji nije izvršenik za izvršenje na cjelokupnoj nekretnini, sud će odrediti izvršenje samo na suvlasničkom dijelu."

Amandman kojeg je Predstavnički dom izglasao:

U članu 17. nakon riječi "socijalne" dodaju se riječi "i humanitarne".

Dostaviti:

- naslovu
- predsjedniku i potpredsjednicima FBiH
- premijeru, zamjenicima premijera
- Vladi FBiH
- Predsjedavajućem Predstavničkog doma
- potpredsjedavajućim Predstavničkog doma
- sekretaru Doma naroda
- službi Doma naroda
- sekretaru Predstavničkog doma
- službi Predstavničkog doma
- službi za izradu izvornika
- a.a.

PREDSJEDAVAJUĆI

Dragan Mirković

